

Broj:01-11-2387/20  
Sarajevo, 16.09.2020.godine

16-09-2020

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, broj 39/14), Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata („Službene novine Federacije BiH“, br. 54/20 i 62/20) na prijedlog Komisije za javne nabavke imenovane Rješenjem broj: 01-14-4174/19 od 26.12.2019. godine, u postupku javne nabavke Konkurentskom zahtjevu nabavku roba za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, Federalno ministarstvo za pitanja boraca i invalida odbrambeno-oslobodilačkog rata, donosi:

**ODLUKU**  
**o poništenju postupka javne nabavke**  
**roba za autoservis i opravku motornih vozila, te nabavku potrošnog materijala i rezervnih**  
**dijelova za vozila Ministarstva**

**Član 1.**

Poništava se postupak javne nabavke Konkurentski zahtjevu nabavku roba za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, obavještenje o nabavci broj: 746-7-1-27-3-8/20, koje je objavljeno na Portalu javnih nabavki dana 17.08.2020.godine, a iz razloga jer nijedna od primljenih ponuda nije prihvatljiva.

**Član 2.**

Ova odluka objavit će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav 6. Zakona o javnim nabavkama.

**O b r a z l o ž e n j e**

Postupak javne nabavke - Konkurentski zahtjevu nabavku roba za autoservis i opravku motornih vozila, te nabavku potrošnog materijala i rezervnih dijelova za vozila Ministarstva, pokrenut je Odlukom o pokretanju postupka broj:01-11-2386/20 od 14.08.2020. godine.

Obavještenje o nabavci broj: 746-7-1-27-3-8/20 objavljeno je na portalu javnih nabavki dana 17.08.2020. godine. Procijenjena vrijednost javne nabavke iznosi 28.188,00 KM bez PDV-a.

Dana 25.08.2020.godine izvršeno je javno otvaranje ponuda u predmetnom postupku javne nabavke. Za navedenu nabavku ponude su dostavila 4 (četiri) ponuđača: AUTODELTA D.O.O. SARAJEVO, SARADIS D.O.O. VOGOŠČA, BOS-MONT D.O.O. i TURBO TRADE D.O.O., čije ponude su ocjenjene kao prihvatljive za ugovorni organ shodno utvrđenim kriterijima, Obavještenjem o nabavci, odnosno konkurentskom zahtjevu, nakon čega je i zakazana e aukcija sa naprijed navedenim ponuđačima.

Nakon provjere kvalifikovanosti ponuđača, računске kontrole u ponudama ugovorni organ je za dan 28.08.2020. godine zakazao e-aukciju sa kvalifikovanim ponuđačima u 13:00 sati. Učešće u e-Aukciji su uzela dva ponuđača: AUTODELTA D.O.O. Sarajevo i SARADIS D.O.O. Vogošća.

Nakon provedene e aukcije konačna rang lista ponuđača koji su učestvovali u e-aukciji je izgledala kako slijedi: AUTODELTA D.O.O. Sarajevo sa konačnom cijenom 18.400,00 KM, SARADIS D.O.O. Vogošća sa konačnom cijenom 18.500,00 KM, BOS-MONT D.O.O. Sarajevo sa konačnom cijenom 35.340,84 KM, i TURBO TRADE POSLOVNA JEDINICA SARAJEVO sa konačnom cijenom 86.939,49 KM.

Ugovorni organ je na preporuku Komisije za javne nabavke donio Odluku o izboru najpovoljnijeg ponuđača za nabavku roba za autoservis i opravku motornih vozila, te nabavku potrošnog materijala i rezervnih dijelova za vozila Ministarstva broj: 01-11-2387-7/20 od 31.08.2020. godine.

Dana 04.09.2020. godine Ugovorni organ zaprimio je žalbu izjavljenu na Odluku o izboru najpovoljnijeg ponuđača za nabavku roba za autoservis i opravku motornih vozila, te nabavku potrošnog materijala i



rezervnih dijelova za vozila Ministarstva broj: 01-11-2387-7/20 od 31.08.2020. godine od strane firme BOS MONT d.o.o. Sarajevo, a u kojoj navodi da su prekršene odredbe Zakona o javnim nabavkama koje se odnose na primjenu preferencijalnog tretmana domaćeg kod ponuđača Autodelta d.o.o. Sarajevo i Saradis d.o.o. Vogošća, odnosno da isti ne ispunjavaju uslov primjene preferencijalnog tretmana domaćeg navodeći da je Vanjskotrgovinska komora Bosne i Hercegovine u obrazloženju odluke (rješenja koje je priloženo uz žalbu broj:05-05-3-27-3611-2/20 od 27.08.2020.godine) navela da nema saznanja da na bosanskohercegovačkom tržištu postoje društva koja u okviru svoje djelatnosti mogu ponuditi robe predmetne nabavke kao proizvod koji u ukupnoj vrijednosti ima najmanje 50% porijekla iz Bosne i Hercegovine”.

Postupajući po predmetnoj žalbi, Ugovorni organ je cilju provjere žalbenih navoda, a kako bi donio zakonitu odluku po žalbi, od ponuđača Autodelta d.o.o. Sarajevo i Saradis d.o.o. Vogošća, zatražio pojašnjenje koje su to robe, odnosno kojih to 50% roba iz Aneksa 3 tenderske dokumentacije (obrazac za cijenu ponude sa tehničkom specifikacijom) ispunjavaju uslov za primjenu preferencijalnog tretmana domaćeg, te da dostave detaljno obrazloženje da ispunjavaju uslove za primjenu preferencijalnog tretmana, uz napomenu da ukoliko ne dostave pojašnjenje u traženom roku smatrat će se da dostavljena ponuda ne ispunjava uslove.

U ostavljenom roku, ponuđač Saradis d.o.o. Vogošća nije dostavio traženo pojašnjenje kao dokaz da ispunjava uslov za primjenu preferencijalnog tretmana domaćeg, zbog čega je ocjenjeno da ponuda ponuđača Saradis d.o.o. Vogošća nije potpuna i ne ispunjava zahtjeve iz tenderske dokumentacije odnosno nije prihvatljiva za Ugovorni organ.

Dana 07.09.2020.godine ponuđač Autodelta d.o.o. Sarajevo dostavio je pojašnjenje preferencijalnog tretmana domaćeg, međutim dostavljanjem istog sa dokazima koje je priložio nije uspio dokazati da ispunjava uslov preferencijalnog tretmana domaćeg, zbog čega je ocjenjeno da ponuda ponuđača Autodelta d.o.o. Sarajevo nije potpuna i ne ispunjava zahtjeve iz tenderske dokumentacije, odnosno nije prihvatljiva za Ugovorni organ.

Nadalje, postupajući po odredbama Zakona o javnim nabavkama i nakon što je utvrđeno da ponude ponuđača Autodelta d.o.o. Sarajevo i Saradis d.o.o. Vogošća nisu prihvatljive za Ugovorni organ, utvrđeno je i slijedeće:

- dvije ponude i to ponude ponuđača BOS MONT d.o.o. Sarajevo i TURBO TRADE d.o.o. Sarajevo, a nakon što su kao prihvatljive ponude pozvane da učestvuju u e aukciji i nakon okončane e aukcije u toku koje i nisu mijenjali prvobitnu cijenu su također ocjenjene kao neprihvatljive za Ugovorni organ shodno članu 68. stav 4. pod i) Zakona o javnim nabavkama jer nisu potpune i ne ispunjavaju zahtjeve iz tenderske dokumentacije iz slijedećeg razloga:
- Tačkom 2.4. tenderske dokumentacije za nabavku roba za autoservis i opravku motornih vozila, te nabavke potrošnog materijala i rezervnih dijelova za vozila Ministarstva i obavještenjem o nabavci broj:746-7-1-27-3-8/20, u tački II 6.a., procijenjena vrijednost ugovora bez PDV-a iznosi 28.188,00 KM.

Ponuđač BOS MONT d.o.o. Sarajevo je u svojoj ponudi iskazao ukupnu cijenu ponude u iznosu od **35.340,84 KM** bez PDV-a, koja je veća od cijene procijenjene vrijednosti koju ugovorni organ propisao tenderskom dokumentacijom i obavještenjem o nabavci.

Ponuđač TURBO TRADE d.o.o. Sarajevo je u svojoj ponudi iskazao ukupnu cijenu ponude u iznosu od **86.939,49 KM** bez PDV-a, koja je veća od cijene procijenjene vrijednosti koju ugovorni organ propisao tenderskom dokumentacijom i obavještenjem o nabavci.

Odlučujući po naprijed navedenoj žalbi Ugovorni organ je utvrdio da su osnovani žalbeni navodi, zbog čega se usvaja žalba i poništava postupak javne nabavke.

Uzimajući u obzir naprijed navedeno, kao i činjenicu da nijedna od primljenih ponuda nije prihvatljiva, shodno članu 69. stav 2. pod d) Zakona o javnim nabavkama, odlučeno je kao u članu 1. ove odluke.

#### **POUKA O PRAVNOM LIJEKU:**

Žalba na Odluku o poništenju postupka javne nabavke izjavljuje se URŽ-u, putem ugovornog organa u roku od 5 dana od dana prijema Odluke.



Dostavljeno:

1. Ponuđačima 4x
2. U spise
3. Arhiva